

Саха норуотун уһулуччулаах уола, боросту-ой үлэһит дьон дьылбатын туһугар дьин-чахчы сүрэбинэн, дууһатынан ыалдьыбыт уонна кинилэр олохторо чэпчиирин туһугар сыратын-сылбатын бизээн үлэлээбит бөдөн политическай, государственной деятель И.Е.Винокуров быйыл төрөөбүтэ 115 сыла туолла.

Илья Егорович 1943 сыл от ыйыттан Саха АССР Совнаркомун Председателинэн анаммыта. Чурапчы оройуонун холкуос-тахтарын хоту «балык булдугар» диэн анаан ыппыттарын билэр буолан, ити сыл атырдьах ыйын 27 күнүгэр буолбут уобаластаабы партия уонна Совнарком холбоһуктаах мунньахтарыгар, көһөрүүгэ барбыт дьонго көмөнү онгорор туһунан дьаһал ылыллар-гыгар төһүү буолар. Кыһынгы суол турарын кытта Илья Егорович көһөрүүгэ барбыт дьон олохторун билсэ Кэбээйинэн, Эдьигээнинэн, инньэ Булунга тийэ бара сылдыбыта. Онно кини көскө кэлбит дьон ыар олохторун илэ харабынан көрөн: «Бу дьон түргэнник дойдуларыгар төнүннэхтэринэ табыллыһы», — диэн, 1944 сыл кулун тутар 28 күнүгэр Чурапчы холкуостарын дойдуларыгар төннөрү уураабы ыллартарбыта уонна төттөрү көһүүнү тус бэйэтинэн хонтуру-оллаан, элбэх киһини өлөр өлүү



айабыттан өрүһүбүтэ. Ол курдук, ити сыл муус устарга Чурапчы оройуонуттан көһөрүүгэ тий-бит «Төрүт», «Андреев», «Кыһыл сис», «3-с Пятилетка» холкуос-тар сорох дьонноро дойдулары-гар төннөн иһэн, ыран-дьүдэйэн,

эстэн-быстан салгыы айанныыр кыахтара суох буолан, Нам орой-уонугар хаалбыттара. Холобур, I Хомустаах нэһилиэгэр «Төрүт» холкуос чилиэннэрэ Мотрена Алексеевна Абрамова, Афанасий Никифорович Артемьев, Дария

Яковлевна Васильева, Анастасия Ивановна Дьячковская, Анна Дмитриевна Дьячковская, Михаил Михайлович Дьячковский, Мария Петровна Лаврентьева, о.д.а. холкуоска киирэннэр араас үлэбэ төһүү дьон буолбуттара. Кинилэр Намы иккис төрөөбүт дойду онгостон, ыал-күүс буолан олобу салбаабыттара.

Мин 1993 сылтан Чурапчы көһөрүллүүтүгэр сылдыбыт үгүс дьон ахтытын кинилэр тыыннаахтарын баттаһа респу-блика элбэх сахалыы тыллаах хаһыаттарыгар таһаартарбытым. Көһөрүллүү туһунан үс кинигэни бэчээттэттим. Онон быйыл саҥа аһыллыбыт И.Е.Винокуров ааты-нан музейи көрө, бу ытык киһиэхэ сүгүрүйэ, анаан-минээн Намга бара сырыттым. Хатын Арыы нэһилиэгэр музей үлэһиттэрэ — директор В.Г.Кутяркин, науч-най үлэһит Л.В.Петрова бэрт сайабаастык көрсөн, экспонатта-рын кэритэ сылдьан көрдөрөн, бэрт элбэҥи кэпсээбиттэрэ.

И.Е.Винокуров Чурапчыттан көһөрүллүбүт дьону хайдах

өрүһүбүтүн туһунан Нам улуунун «Сайдыы» оҕо айымньытын дьи-этин «Эдэр кыраайы үөрэтээччи» куруһуок чилиэнэ, 10-с кыла-ас үөрэнээччитэ Мотя Слепцова суруйбут дакылаатын (сал. Н.В.Константинова) куопуйа-тын биэрбиттэрэ. Мин кинилэр-гэ барыларыгар диригинник мах-танан туран, хаһыат сирэйэ кыра-тынан, ити дакылааттан көһөрүү кыттыылааба Н.А.Аржаков ахтытын бар дьонго билиһиннэрэллэригэр көрдөһөн, «Саха сирэ» хаһыакка ытабын.

Сэрии сыллаларыгар Саха нору-отун өлөр өлүүттэн быһаабыт бастыҥ салайааччы Илья Егорович Винокуров аатынан чурапчылар, намнар эрэ буолбак-ка, бүтүн Саха норуота киэн тут-туннун! Үтүө Киһи аата үйэлэргэ умнуллубат!

Уйбаан БАХСЫЛЫРАП.

Нам улууһа, Хатын Арыы.

Хаартыскаба: И.Е.Винокуров аатынан музей үлэһиттэрэ.